

卷一百八十八



書名 杜氏通典二百卷 嘉靖十八年西樵方獻夫刊本
 撰者 唐 杜佑 撰, 明 王德益、吳鵬 同校
 卷 卷一百八十八
 內容分類 史 政書 歷代通制
 索書號 貴重-17
 編號 B3510400

杜氏通典卷第二十五

職官七

諸卿上 總論諸卿
 少卿附

奉禮郎 主簿 博士 太祝 兩京郊社署

太樂署 鼓吹署 太醫署 太公廟等署

太卜 廩犧 汾祠 太官署 珍羞署

良醞 主簿 掌醢署 武庫署 武器署 左右都候

丞 守宮署 主簿 武庫署 馬令 武器署

丞 諸陵署 主簿 崇玄署 諸牧監 典廩署

丞 典牧署 主簿 乘黃署 諸牧監 典廩署

司直 丞 評事 監 獄丞

[彩色首頁1](#)

[東洋文化研究所漢籍目錄 編號: B3510400](#)

[東洋文化研究所漢籍目錄所藏漢籍善本文影像資料庫 索書號: 貴重-17](#)

[漢籍善本文影像資料庫文本杜氏通典二百卷 嘉靖十八年西樵方獻夫刊本](#)

[版權所有: 東京大學 東洋文化研究所](#)

[使用上的注意事項](#)

男子以氈皮為帔女子絕布為裙衫仍披氈皮之帔
頭髮有髮一盤而成形髮阻瓜男子皆跣至於死喪
哭泣棺槨斂無不畢備三年之內穿地為坎殯於
舍側上作小屋三年而後出而葬之蝨蚌封棺令其
耐濕父母死者斬衰布衣遠者至四五年近者二三
年然後即吉其被人殺者喪主以麻結髮而黑其面
衣裳不緝唯服內不廢婚嫁娶妻不避同姓其俗有
盜竊殺人淫穢之事酋長即立一長木為擊鼓鼙
共會其下強盜者眾共殺之若賊家富強但燒其屋
宅奪其田業而已

杜氏通典卷第一百八十七終

杜氏通典卷第一百八十八

邊防四 南蠻下

嶺南序畧 嶺南蠻條附

海南序畧

黃支 哥羅

林邑

扶南 頓遜

毗騫

干陀利 狼牙脩

婆利

槃槃 赤土

真臘

羅刹 投和

丹丹

邊斗 杜薄

薄刺

敦茨 火山

無論

婆登 烏篤

陀洹

訶陵 多篋 多摩長

哥羅舍分

嶺南序畧

五嶺之南張海之北三代以前是為荒服秦平天下
開置南海等三郡秦亂趙佗據有其地傳五代九十
三歲至漢武建元中伏波將軍路博德滅之分為儋
耳等九郡其珠崖郡在海洲上大率數歲一反元帝
初元中納賈捐之議罷之後漢光武建武中交趾女
子徵側反畧有六十餘城伏波將軍馬援討平之桓
靈以後蠻獠又據象郡象林縣遂為林邑國矣其餘
郡縣歷代雖有反亂州郡兵旋平定之極南之人雖

題交趾其俗男女同川而浴題額也雕謂刻其肌肉

大趾開闢其西有噉人國生首子輒解而食之謂之

宜弟味旨則以遺其君君喜而賞其父娶妻妾美皆

讓其兄烏猗人是也烏猗地在南海郡之西交趾

之南有越裳國周公居攝六年天下和平越裳以重

譯而獻白雉周德既衰於是稍絕及楚子稱霸朝貢

百越秦始皇平天下開嶺外置南海今南海始興義

陵臨賀高要感義晉康臨封開陽高梁桂林今始安

連城新興銅陵懷德潮陽等郡地皆是

山開江蒼梧潯江臨江鬱林平琴安域賀水常林象

郡龍城融水邕寧懷澤寧仁寧浦嶺山修德龍也永
定郡等象郡今招義南替普陵寧水南昌定川寧越
地皆是安南武我龍水忻城九貞祿祿文陽日
南承化三山合浦安樂海至胡亥時南海尉任囂病
康温水湯泉等郡皆是

且死召南海龍川令真定人趙佗語曰漢真定今常山郡漢龍川

今海中國擾亂未知所安番禺海郡負倚山險阻南

北東西數千里可以為國郡中長吏無足與言故召

公告之即被被加佗書行南海尉事囂死佗即絕秦

所開新道聚兵自守秦已滅佗即擊桂林并象郡自

立為南越武王漢已定天下為中國勞苦故釋佗不

誅遣陸賈立佗為南越王高后時佗乃自稱為南越

武帝發兵攻長沙邊邑敗數縣而去今長沙衡陽等郡以兵

威財物賂遺閩越即今閩西甌駱越役屬焉西甌即駱越也言西

者以別東甌耳今南海郡西南懷澤等郡東西萬餘里南北數千里及孝

文帝初立鎮撫天下乃為佗親家在真定置守邑歲

時奉祠召其從昆季尊官厚賜之詔陸賈使往諭

之賈至南越王上書謝願為藩臣奉職貢至武帝建

元四年佗孫胡時閩越王郢與兵擊南越邊邑胡使

人上書曰兩越俱為藩臣無得擅興兵相攻擊今東

越擅侵臣臣不敢與兵唯天子詔之於是天子多南

越義守職約為遣兩將往討閩越淮南王安上書諫

曰夫越方外之地劓髮文身之人也越人劓髮古剪字也劓與剪同

不可以冠帶之國法度理也自三代之盛胡越不與

受正朔非強不能服威不能制也以為不居之地不

牧之人不足以煩中國也地不可居而故古者封內人不可牧養故古者封內

甸服封內謂封圻千里之內甸服主理王田以供祭祀也封外侯服封外千里之列侯也



為王者侯衛賓服侯服之外又有衛服賓服蠻夷要

服又在侯衛之外而於九州之戎狄荒服此在九州

遠來去無常絕遠近之勢異也自漢初定以來七十

二年吳越人相攻擊者不可勝數然天子未常舉兵

而入其地臣聞越非有城郭邑里也處谿谷之間篁

竹之中竹叢也竹曰篁習於水鬪便於用舟地深昧而多

水險昧暗也言多草木中國之人不知其勢阻而入其地雖

百不當其一得其地不可郡縣攻之不可暴取也以

地圖察其山川要塞相去不過數寸之間而數百千

里阻險林叢帝能盡著不可盡載於圖者張許反視之若易行之

甚難今自攻擊而陛下以兵救之是反以中國而勞

蠻夷也疲勞中國之人且越人愚戇輕薄戇降反負約

反覆其不用天子之法度非一日之積也一不奉詔

舉兵誅之臣恐後兵革無時得息也今發兵行數千

里負衣糧入越地輿梁輜而輸嶺輜音橋梁謂挖舟

而入水挖音他夏月暑時嘔洩霍亂之病相隨屬也

曾未接刃死傷者必衆矣且越人寡力薄材不能陸

戰又無車騎弓弩之用然而不可入者以彼地險而

中國之人不能其水土也能堪南方暑濕近夏瘴熱

瘴黃病瘴音瘴暴露水居蝮蛇蠱蟲蠱音壑疾疫皆作兵未

血刃而病死十二三雖舉越國而虜之不足以償所亡

取也舉謂總臣聞道路言閩越王弟甲弒王而殺之閩王



第之甲以誅死其人未有所屬陛下若欲來之內處
中國使重臣臨存謂省以招致之此必携幼扶老以
歸聖德若陛下無所用之則繼其絕世存其亡國建
其王侯此必委質為藩臣代供職貢陛下以方寸之
印丈二之組不勞一卒不頓一戟頓音而威德並行
今以兵入其必必雉兔逃入山林阻險如雉兔之逃
阻險背而去之則復相群聚留而守之歷歲經年則
士卒罷音倦糧食之絕男子不得耕稼樹種婦人不
得紡績織紉女今陛下以四海為境九州為家生人
之屬皆為臣妾人徒之衆足以奉千官之供稅租之
收足以給乘輿之御號令天下四海之內莫不響應

陛下垂德惠以覆育之使元元之昨安生樂業則澤
被萬代傳之子孫夷狄之地何足以為一日之間讀

曰閑得其地物不足為一日之閑暇之虞而煩汗馬之勞乎帝不從兵未

踰嶺閩越王弟餘善殺郢以降於是罷兵後至孫興

立其母太后本中國人勸王及幸臣上書請比內諸

侯三歲一朝其相呂嘉不欲遂反攻殺太后盡殺漢

使者立郢長男建德為王發兵守要害處於是令越

人及江淮以南樓船十萬師往討之元鼎五年秋衛

尉路博德為伏波將軍自桂陽下匯水今連山郡有匯水通四會

或作滄主爵都尉楊僕為樓船將軍出章郡下橫浦

今南康郡大故歸義越侯二人故越人為戈船下瀨

東縣西南

將軍船以載干戈因謂之戈船出零陵今或下離

水今桂或抵蒼梧郡今使人馳義侯因巴蜀罪人發

夜郎兵下牂牁江咸會番禺元鼎六年冬樓船將軍

將精卒先陷尋陬破石門今南海郡北得越船粟因推而

前挫越鋒伏波將軍將罪人道遠後期與樓船會乃

有千餘人遂俱進樓船居前至番禺建德嘉皆城守

樓船自擇便處居東南面伏波居西北面會暮樓船

攻敗越人縱火燒城越素聞伏波暮不知其兵多少

伏波乃遣使招降者賜印綬復縱令相招來降者即

而放令還樓船力攻燒敵反驅而入伏波營中遲明

更相招諭城中皆降伏波呂嘉建德以夜與其屬數百人

亡入海伏波遣人追以故其尉司馬蘇弘得建德越

節都稽越中所得嘉戈船下瀨將軍兵及馳義侯所

發夜郎兵未下南越以平遂以其地為儋耳珠崖南

海蒼梧鬱林合浦交趾九真日南九郡並今郡地唯

也置交趾刺史領自佗王後凡五代九十三歲而亡

焉其珠崖儋耳二郡在海州上東西千里南北五百

里今珠崖其渠節酋長耳皆穿珠而縋之垂有三寸

武帝末珠崖太守會稽孫幸調廣幅布獻之蠻不堪

役遂攻郡殺幸幸子豹合率萬人還復破之自領郡

事討擊餘黨運年乃平豹遣使封還印綬上書言狀

制詔即拜豹為珠崖太守即就威政大行獻命歲至

中國貪其珍賂漸相侵侮故率數歲一反至元帝初
珠崖數反賈誼孫捐之上書請勿擊曰臣聞堯舜禹
三聖之德地方不過數千里西被流沙東漸于海朔
南暨聲教迄于四海欲與聲教即理之不欲與者不
疆理也故君臣歌德含氣之物各得其宜武丁成王
殷周之大君也然東地不過江黃西不過氐羌南不
過蠻荆北不過朔方是以頌聲並作視聽之類咸樂
其生越裳氏重九譯而獻此非兵革之所能致及其
衰也南征不還以至于秦興兵遠攻貪外虛內務欲
廣地不慮其害而天下潰畔賴聖漢爲百姓請命平
定天下至孝文皇帝偃武行文則斷獄數百人賦曰

十丁男三年而一事時有獻千里馬者詔不受其令
四方無來獻至孝武皇帝以國富逸攘却匈奴西連
諸國至于安息東過碣石以玄菟樂浪爲郡更移營
塞制南海以爲九郡則天下斷獄萬數人賦數百造
鹽鐵榷酒之利以佐用度猶不能足當此之時寇賊
並起征伐不休之故也今陛下不忍涓涓之忿欲敲
士衆擠之大海之中快心幽冥之地非所以救助饑
饉保全元元也詩云蠢爾荆蠻大邦爲讐自古而患
之久矣何況乃服其南萬里之蠻乎駱越之人父子
同川而浴相習以鼻飲與禽獸無異本不足郡縣置
也顛顛獨居一海之中霧露氣濕多毒草蟲蛇水土

之害人未見虜戰士自死又非獨珠崖有珠犀璆瑁也棄之不足惜不擊不損威其人譬猶魚鱉何足貪也臣竊以往者羗軍言之暴師曾不一年兵出不踰千里費四十餘萬大司農錢盡乃以少府禁錢續之夫一隅為不善費尚如此况於勞師遠攻無用之士乎求之往古則不合施之當今又不便臣愚以為非冠帶之國禹貢所及春秋所理皆可且無矣初元三年遂罷之凡二郡六十五部凡交趾所統雖置郡縣而言語各異重譯乃通人如禽獸長幼無別項髮徒跣為髮於上以布貫頭而着之後徙中國罪人使雜居其間乃稍知言語漸見禮化光武中興使任延守交

趾九貞交趾九貞也今之地於是教其耕稼制為冠履初設法

令始知婚娶建立學校之禮至光武十六年交趾女

子徵側及其妹徵貳反攻郡縣徵側者麓冷縣左將

之女也麓音余今承化郡也嫁為朱鷺人妻素負其雄勇漢朱鷺今

安南府交趾太守立法糾之側忿故反於是九貞日南

合浦蠻俚皆從之凡各六十五城自立為王交趾刺

史及諸太守人得自守十八年遣伏波將軍馬援女

工將軍段志發長沙今長沙郡也桂陽今桂陽連郡也零陵今零陵郡也

陵蒼梧今蒙山開江蒼梧郡也兵萬餘人討之明年夏四月

援破交趾斬徵側徵貳等餘皆降散進于九貞賊都

陽等破降之徙其渠帥三百餘口於零陵嶺表悉平

章帝元和初日南徼外蠻夷寇不事人蠻夷別號邑豪獻

生犀白雉永光中日南象林在日本界蠻夷二千餘

人寇掠百姓於是置象林將兵長史以防其患順帝

元和二年日南象林邑徼外蠻夷區憐等數千人攻

象林縣燒城寺殺長吏州郡并力討之不利帝召公

卿百官及四府掾屬太尉司馬府問其方畧皆議遣

荆今南陽江陵江夏安陸楊今淮南廣陵等郡江南

地充今陳留許昌東平荆河今潁川汝南淮陽四萬

兵赴之大將軍從事中郎李固駿曰若荆揚無事發

之可也今二州盜賊盤結不散而復擾動必更生患

又兗州荆河之人遠赴萬里詔書迫促必致叛去軍

行三十里為程而去日南九千餘里三百日乃到計

人廩五升日五升小故用米六十萬斛不計將吏驢馬

之食但負甲自致費便若此九貞日南相去千里發

其吏人猶尚不堪何況四州之卒以赴萬里之艱哉

前中郎將伊就討益州益州諺曰虜來尚可伊來殺

我後就徵還以兵付刺史張喬因其將吏旬月之間

破殄寇虜此發將無益之効州郡可任之驗也宜更

選有勇畧仁惠任將帥者以為刺史太守悉使往止

交趾府下時刺史李廣信今今日南兵單無谷守則

不定戰又不能可一切徙其吏人北依交趾事靜之

後乃令歸本還募蠻夷使自相攻有能反間致頭首

者許以封土之賞故并州刺史長沙祝良性多勇決
又南陽張喬前在益州有破虜之功皆可任用昔文
帝就如魏尚為雲中哀帝即拜龔釜為天山今宜即
拜良等便道之官於是拜祝良為九真太守張喬為
交趾刺史喬良至單車入賊地設方畧招以威信嶺
外復平其後屢為反叛州郡兵討降之至靈帝建寧
三年鬱林郡太守谷永以恩信招降烏許人十餘萬
內屬皆受冠帶開置七縣然自漢以後列置州縣獠
俗難理率數歲一亂終不足為大患大唐大曆中備
州刺史哥舒晃
襲殺嶺南節度使呂崇貴據廣州反詔戶部尚書路
翼公嗣恭總兵討之晃率其徒守拒凡三歲而滅

海南序畧

海南諸國漢時通焉大抵在交州南及西南居大海
中洲上相去或五百三百里五千三千里遠者二三
萬乘船舉帆道里不可詳知外國諸書雖言里數又
非定實也其西與諸胡國接元鼎中遣伏波將軍路
博德開百越置日南郡其徼外諸國自武帝以來皆
獻見後漢桓帝時大秦天竺皆由此道遣使貢獻及
吳孫權遣宣化從事朱應中郎康泰使諸國其所經
及傳聞則有百數十國因立記傳晉代通中國者蓋
數及宋齊至者有十餘國自梁武隋煬諸國使至踰
於前代大唐貞觀以後聲教遠被自古未通者重譯
而至又多梁隋焉其無異聞亦不復更記

黃支

黃支國漢時聞焉在合海日南之南三萬里俗畧與珠崖相類自武帝以來皆獻見有明珠玉璧琉璃奇石異物大珠至圍二寸以下而至圓者置之平地終日不停

哥羅

哥羅國漢時聞焉在槃槃東南亦曰哥羅富沙羅國云其王姓矢利婆羅名米失鉢羅其理城累石為之城有樓闕門有禁衛宮室覆之以草國有二十四州而無縣庭列儀仗有燾以孔雀羽飾焉兵器有弓箭刀稍皮甲征伐皆乘象一隊有象百頭每象有百人

衛之象鞍有鈎欄其中有四人一人執稍一人執弓矢一人執及一人執刀賦稅人出銀一鉢國無蠶絲麻紵唯出吉貝布畜有牛少馬其俗非有官者不得上髮裹頭又嫁娶初問婚惟以檳榔為禮多者至二百盤成婚之時唯以黃金為財多者至二百兩婦人嫁訖則從夫姓音樂有琵琶橫笛銅鈸鐵鼓簧吹蠶擊鼓死亡則焚屍盛以金翼沉之大海

林邑

林邑國秦象郡林邑縣地漢為象林縣屬日南郡古越裳之界也在交趾南海行三千里其地縱廣可六百里去日南界四百餘里其南水步道二千餘里有

西屠夷亦稱王焉馬拔所植兩銅柱表漢界處也馬

北還留十餘戶於銅柱處至隋有三百餘戶悉姓馬

土人以爲流寓號曰馬留人銅柱尋沒馬留人常識

其處林邑記馬拔樹兩銅柱於象林南界與西屠國

分漢之南境又云銅柱山周十里形如倚蓋西跨重

岩東臨大海屈珍道里記云後漢末大亂縣功曹姓

區有子曰連殺縣令自號爲王子孫相承吳時通使

其後王無嗣外孫范熊代立熊死子逸代立其國有

金山石皆赤色其中生金金夜則出飛狀如螢火

出璚瑁貝齒吉貝沉木香吉貝者樹名也其葉盛時

如鶩毳抽以績紡作布潔白與紵布不殊亦染成五

色織爲斑布也沉木香土人破斷之積以歲年朽爛

而心節獨在置水中則沉故名曰沉香次不沉者曰

校香也又出猩猩獸爾雅云肉之美多琥珀松脂淪

入地千歲爲茯苓又千歲爲琥珀又云楓脂爲之琥

珀在地其上及旁不生草木深者或八九尺大如斛削

去皮成焉初如桃膠凝成乃堅其金寶物產大抵與

交趾同以磚爲城蜃灰塗之居處爲閣名曰干蘭皆

開北戶以向日或東西無定尊官有二其一曰西郡

婆帝其二曰薩婆地哥其屬官三等其一曰倫多姓

次哥倫致帝次乙地伽蘭外官分爲二百餘部其長

官曰弗羅次曰阿倫如牧宰之差也書樹葉爲紙施

椰葉爲席男女皆以橫幅吉貝繞腰以下謂之干漫

亦曰都漫穿耳貫小環貴者著革履賤者跣行自林

邑扶南諸國皆然也其王戴金花冠形如章甫加瓔
珞出則乘象吹螺擊鼓聳吉貝繖以吉貝爲幡旗國
不設刑法有罪者使象蹋殺之林邑浦外有不勞山
罪人亦送此山令其自死其大姓號婆羅門嫁娶必
用八月女先求男貴男而賤女也同姓還相婚姻人
性凶悍果於戰鬪有弓箭刀槊以竹爲弩樂有琴笛
琵琶五絃頗與中國同每擊鼓以警衆吹蠡以節戎
其人深目高鼻髮拳色黑婦人椎髻四時暄暖無霜
雪王死七日而葬有官者三日庶人一日皆以函盛
屍鼓舞導從輦至水次積薪焚之收餘骨王則內金
甕中沉之於海有官者以銅沉之海口庶人以瓦送
之於江男女截髮隨喪至水次盡哀而止其寡婦孤
居散髮至老人皆奉釋法文字同於天竺王事尼乾
道鑄金銀人像六十圍至晉武帝太康中又來貢獻
成帝咸康二年范逸死奴文篡位奴文昔嘗北至洛
陽商賈因教王作宮室兵車器械王愛信之使爲將
乃譖王諸子或徙或奔及王死無嗣遂自立爲王乃
攻旁國并之有衆四五萬至穆帝永和三年又率其
衆攻陷日南今郡遂據其地告交州刺史朱蕃今州
南求以日南北鄙也今郡橫山爲界初徼外諸國常賫
寶物自海路來貿貨賄而交州刺史日南太守多貪
利侵侮十折二三由是諸國怨憤且林邑少田故貪

日南之地文又襲九貞地今郡害士庶十八九文死子

佛立猶屯日南九貞太守灌遂率兵討佛走之遂追

至林邑時五月立表日在表北影在表南九寸一分

自北影之南故開北戶以向日此大較也佛乃請降

其後頻寇日南九德之郡今安南日南郡界殺傷甚多交州

遂至虛弱至佛曾孫文敵後為扶南王子當根純所

殺大臣范諸農平其亂而自立為王死子陽邁立陽

邁死其子咄復名曰陽邁初其父陽邁母始產夢人

邁故為名至咄宋文帝元嘉中侵暴日南九德諸郡

宋九德郡今安南日南郡界宋使振武將軍宋元幹討之剋林邑

陽邁今字並挺身奔逃所獲珍異皆是未名之寶又

銷其金人得金數十萬斤其後累代自宋齊梁陳皆

遣使朝貢隋文帝既平陳後遣大將軍劉方率步騎

萬餘人擊之其王梵志率其徒乘象而戰方多掘小

坑草覆其上因以兵挑之梵志率眾而陣方偽北走

梵志逐之其象多陷轉相驚駭軍遂亂方縱兵擊大

破之遂棄城而走方入其都獲其廟主十八枚皆鑄

金為之蓋有其國十八葉矣方既平其國班師故地

遂空梵志收拾遺人別建國邑至大唐貞觀中其王

范頭黎死率國人共立頭黎女為王諸葛地者頭黎

之姑子女王獨在國中不寧大臣可倫翁定乃立地

為王妻之以女主其國乃定諸葛地自立後遣使可

倫因地盤獻火珠狀如水精日正午時以珠承影取
艾衣之火見云得之於羅刹國今之環玉國志之後在日南郡西
陸行二十餘日方至

扶南

扶南國在日南郡之南海西大島中去日南可七千
里在林邑西南三千餘里其境廣袤三千餘里國俗
裸體文身被髮裸即不制衣裳其先有女爲人王號
曰柳葉年少壯健有似男子其南有激國人名混濱
來伐柳葉降之遂以爲妻惡其裸露形體乃穿罽布
貫其首理其國子孫相傳至王混盤况死國人立其
大將范師蔓爲王蔓勇健有權畧以兵威伐旁國咸

服屬之自號扶南大王開地五六千里蔓死國亂大
將范尋自立爲王是吳晉時也土地坳下而平博氣
候風俗物產大較與林邑同有城邑宮室國王居重
閣以木柵爲城海邊生大若葉長八九尺編其葉以
覆屋國人亦爲閣居爲船八九丈廣纔六七尺頭尾
似魚國王行乘象人皆醜黑拳髮裸身跣行耕種爲
務一歲種三歲穫又好凋文刻鏤食器多以銀爲之
出金鋼可以刻玉狀似紫石英其所生乃在百丈水
底盤石上如鍾乳人沒水取之竟日乃出以鐵錘之
而不傷鐵乃自損以殺羊角扣之漼然水泮貢賦以
金銀珠香亦有書記府庫文字類胡吳時遣康泰朱

應使於尋國國人猶裸唯婦人著貫頭秦應謂曰國中實佳但人褻露可恠耳尋令國內男子著橫幅今干漫也大家乃截錦爲之貧者以布又有老鷗入海爲玳可以裁作馬勒謂之珂西晉大始大康中皆遣使貢獻東晉時有竺旃檀稱王亦遣使其後王姓憍陳如本天竺婆羅門也有神語曰應王扶南憍陳如南至盤盤扶南人聞之迎而立焉復改制度用天竺法今其國人居不穿井數十家共一池引汲之俗事天神以銅爲像二面者四手四面者八手各有所持或小兒或鳥獸或日月王坐則偏踞翹膝垂左膝至地以白疊敷前設金盆香爐於其上居喪則剃除鬚髮人無禮義男女恣其奔隨宋齊梁並獻方物隋時其國王姓古龍諸國多姓古龍訊者老言崑崙無姓氏乃崑崙之訛隋代遣使貢獻大唐武德後亦頻來貢貞觀中又獻白頭國二人於洛陽其國在扶南之西在叅半之西南男女生皆素首身又疑白居山洞之中四面巖嶮故人莫至與叅半國相接

頓遜

頓遜國梁時聞焉一石在海崎山上地方千里王並羈屬扶南北去扶南可三千餘里其國之東界通交州其西界接天竺安息徼外諸國賈人多至其國而爲市焉頓遜迴入海中千餘里漲海無涯岸船未曾

得逕過也其市東西交會日有萬餘人珍寶物貨無種不有又有酒樹似安石榴採其花汁停酒甕中數日成酒出藿香棹枝便生葉如都梁以衰衣國有區撥等花十餘種冬夏不衰日載數十車貨之其花燥更芬馥亦末爲粉以傳身焉其俗又多鳥葬將死親賓歌舞於郭外有鳥如鷺口鷺鷥而紅色飛來萬許家人避之鳥食肉盡乃去燒其骨沉海中以爲上行人也必生天鳥若迴翔不食其人乃自悲復以爲己有穢更就火葬以爲次行人也若不能生入火又不被鳥食以爲下行人也

毗騫

毗騫梁時聞焉在頓遜之外大海洲中去扶南八千里傳其王身長丈二尺頭長三尺自古來不死莫知其年其王神聖知將來事南方號曰長頭王國俗有室屋衣服噉粳米其人言語小異扶南國不受估客有往者亦殺而噉之是以商旅不敢至王常樓居不血食不事神鬼其子孫生死如常人又傳扶南東界即漲海海中有大洲洲上有諸薄國國東有馬五洲復東行漲海千餘里有燃火洲其上有樹生火中洲左近人剥取其皮紡績作布極得數尺以爲手巾與蕉麻無異而色微青黑若小有垢汗則投火復更精潔

干陀利

干陀利國梁時通焉在南海洲上其俗與林邑扶南畧同出斑布吉貝檳榔檳榔特精好為諸國之極武帝天監中遣使貢方物

狼牙脩

狼牙脩國梁時通焉在南海中其界東西三十日行南北二十日行北去廣州二萬四千里土氣物產與扶南畧同偏多棧沉婆律香等其俗男女皆袒而被髮以吉貝布為浣漫其王及貴臣乃加雲霞布覆髀薄鄙以金繩為絡帶金環貫耳女子則披布以瓔珞繞身其國累博為城重門樓閣王出乘象有旛旄旗鼓罩白蓋兵衛甚嚴武帝天監中遣使獻方物其使云立國以來四百餘年

婆利

婆利國梁時通焉在廣州東南海中洲上自交趾浮海南過赤土丹丹國乃至其國去廣州二月日行國界東西五十日行南北二十日行有一百三十六聚土氣暑熱如中國之盛夏穀一歲再熟草木常榮海出文螺紫貝有石名堪火談貝羅初採之柔軟刻削為物暴乾之遂堅硬有鳥名舍利解人語其國人皆黑色穿耳附瑠璃吉貝如屐及為都縵王乃用斑絲者以瓔珞繞身頭著金長冠高尺餘形如弁綴以七

寶之飾帶金裝劔偏坐金高坐以銀踏支足侍女皆
為金花雜寶之飾或持白毼拂及孔雀扇王出以象
駕輿施羽蓋珠簾其導從吹螺擊鼓國人善投輪刃
其大如鏡中有竅外鋒如鋸遠以投人無不中其餘
兵器與中國畧同俗類真蠟物產同於林邑王姓憍
陳如自古未通中國武帝天監中來貢隋大業中又
遣使貢獻其王姓刹利耶伽大唐貞觀中又遣使朝
貢

槃槃

槃槃國梁時通焉在南海大洲中北與林邑隔小海
自交州船行四十日至其國其王曰楊栗翼音栗翼

父曰楊德武連以上無得而紀百姓多緣水而居國
無城皆豎木為柵王坐金龍牀每坐諸大人皆兩手
交抱肩而踞暨几又其國多婆羅門自天竺來就王
乞財物王甚重之其大臣曰敦即索濫次曰崑崙帝
也次曰崑崙教和胡計反次曰崑崙教帝索其其言
崑崙古龍聲相近故或有謂為古龍者其在外城者
曰那延猶中夏刺史縣令其矢多以石為鏃稍則以
鐵為刃有僧尼寺十所僧尼讀佛經皆肉食而不飲
酒亦有道士寺一所道士不食酒肉讀阿脩羅王經
其國不甚重之俗皆呼僧為比丘呼道士為貪隋大
業中亦遣使朝貢

赤土

赤土國隋時通焉扶南之別種也直崖州之南渡海
水行便風十餘日經鷄籠島至其國都土色多赤因
以爲號東波羅刹國西羅婆國南訶羅國北拒大
海地方數千里王姓瞿曇氏名利富多塞不知有國
遠近居僧祇城亦曰師子城有門三重相去各自許
步王宮諸屋悉是重閣北面而坐三重之榻衣朝霞
布冠金花冠羅寶瓔珞王榻後作一木龕以金銀
五香木雜飾之龕後懸一金光燭遠視如項後其官
薩陁迦羅一人陀拏除又二人迦利密迦三人
共掌政事俱羅末帝一人掌刑法每城置那耶迦一

人鉢帝一人其俗皆穿耳剪髮無跪拜之禮以香油
塗身俗敬佛尤重婆羅門婦人作髻於項後男女通
以朝霞朝雲雜色布爲衣豪富之室悉首華靡唯金
鑽非王賜不得服用冬夏常濕雨多霽少種植無時
特宜稻稌音白豆黑麻自餘物產多同於交趾以甘
蔗作酒雜以紫瓜根戲有雙六鷄冬至之日影直在
下夏至日影在南戶皆北向煬帝時募能通絕域大
業四年屯田主事常駭虞部主事王君正等應召駭
等自南海郡乘舟晝夜二旬每值便風至焦石山而
過東南泊陵伽鉢拔多洲西與林邑相對上有神祠
焉又南行至獅子石自是島嶼連接又行二三日西

見狼牙修國之山於是南達鷄籠島至於赤土之界
月餘至其國都駿等奉詔書上閣王以下至皆坐宣
詔訖引駿等入宴王前設兩牀牀上並設草葉盤方
丈五尺上有黃白紫赤四色之餅牛羊魚鼈猪瑇瑁
之肉百餘品延駿升牀從者坐於地席及還遣那耶
迦隨駿貢方物既入海見綠魚群飛水上浮海十餘
日至林邑東南並浦浪山而行其海水濶千餘步色
黃氣腥舟行十日不絕云是大魚糞也循海北岸達
于交趾六年還到中國焉

真臘

真臘國隋時名焉在林邑西南本扶南之屬也去日

南郡舟行六十日而至南接車渠國西有朱江國王
姓刹利自其祖漸已強盛至其王質多斯那遂兼扶
南而有之死于伊奢那先代立大業中遣使朝貢居
於伊奢那城郭下二萬餘家城中有一大堂是其王
聽政之所大城三十所有數千家各有部帥官名與
林邑全其王坐五香七寶牀施寶帳以文木為竿象
牙金鈿為壁狀如小屋懸金光焰有同於赤土有五
大臣及諸小臣朝於王者輒於階下三稽首王喚上
階則跪以兩手抱膊遶王環坐議政事訖跪伏而去
其國與叅半朱江二國和親數與林邑阨洹二國戰
爭王初立之日所有兄弟並刑殘之或去一指或劓

其鼻別處供給不得仕進人形小而色黑婦人亦有
白者悉拳髮垂耳性氣捷勁居處器物頗類赤土以
右手爲淨左手爲穢飲食多酥酪沙糖粳米餅欲食
之時先取雜肉羹與飯相和手搗而食其國北多山
阜南有水澤地氣尤熱有婆羅那婆樹無花葉似柿
實似冬瓜菴羅樹花葉似棗實似李毗野樹花似木
瓜葉似杏實似楮婆田羅樹花葉實並似棗而小異
歌畢佗樹花似李葉似榆而厚大實似李其大如升
自餘多同九真海中有魚名建同四足無鱗其鼻如
象吸水上噴高五六尺有浮湖魚其形似鰓背如鸚
鵡有八足多大魚半身出水觀之如山每五六月中

毒氣流行即以白牛白羊於城西門外祠之不然五
谷不登六畜多死人衆疾疫東有神名婆多利祭用
人肉其年王別殺人以夜祠禱有守衛者千人其敬
鬼神如此多奉佛法尤信道士佛及道士立像於館
大唐武德六年遣使獻方物

羅刹

羅刹國在婆利之東其人極陋朱髮黑身獸牙鷹爪
時與林邑人作市輒以夜晝日則掩其面隋煬帝大
業三年遣使常駿等使赤土國至羅刹

投和

投和國隋時聞焉在南海大洲中真臘之南自廣州

西南水行百日至其國王姓投和羅名脯邪乞遙理
數城覆屋以瓦並為閣而居屋壁皆以彩畫之城內
皆王宮室城外人居可萬餘家王宿衛之士百餘人
每臨朝則衣朝霞冠金冠耳掛金環頸掛金涎斜連反
衣足履寶裝皮履官屬有朝請將軍總知國政又有
參軍功曹主簿城局金威將軍贊理贊府等官分理
文武又有州及郡縣州有參軍郡有金威將軍縣有
城局其為長官初至各選官僚助理政事刑法盜賊
多者死輕者穿耳及鼻并鑽鬚私鑄銀錢者截腕國
無賦稅俱隨意供奉無多少之限多以農商為業國
人乘象及馬一國之中馬不過千匹又無鞍轡唯以

繩穿頰為之節制音樂則吹蠶擊鼓死喪則祠祀哭
泣又焚死以罌盛之沉於水中若父母之喪則截髮
為孝其國市六所貿易皆用錢銀錢小如榆莢有佛
道有學校文字與中夏不同訊其耆老云王無姓名
齊杖摩其屋以草覆之王所坐塔圓似佛塔以金飾
之門皆東開坐亦向東大唐貞觀遣使奉表以金函
盛之又獻金盃苦盃反金鎮寶帶犀象海物等數十品

丹丹

丹丹國隋時聞焉在多羅磨羅國西北振州東南嶺今延德郡珠崖同島山上王姓利利名尸陵伽理所可二萬餘家
亦置州縣以相統領王每晨夕二時臨朝其大臣八

人號曰八座並以婆羅門爲之王每以香粉塗身冠
通天冠掛雜寶瓔珞身衣朝霞足履皮履近則乘輿
遠則馭象其攻伐則吹蠡擊鼓兼有幡旗其刑法盜
賊無多少皆殺之土出金銀白檀蘇方木檳榔其穀
唯稻畜有沙牛羖羊猪鷄鶩鴨鹿烏有越鳥孔雀
果力果瓜有蒲桃石榴瓜瓠菱蓮菜有葱蒜蔓菁

邊斗

邊斗國一云都昆國班一云都昆國都軍拘利國九離比高國並隋
時聞焉扶南度金隣大灣南行三千里有此四國其
農作與金隣同其人多白色都昆出好棧香霍香及
流黃其簞香樹生千歲根本甚大伐之四五年木皆

朽敗唯中節堅固芬香獨存取以爲香

杜溥

杜溥國隋時聞焉在扶南東漲海中直渡海數十日
而至其國人貌白皙皆有衣服國有稻田女子作白
疊華布出金銀織以金爲錢出鷄舌香可含以香不
入衣服鷄舌其爲木也氣辛而性厲禽獸不能至故
未有識其樹者華熟自零隨水而出方得之杜溥洲
有十餘國城皆稱王

溥刺

溥刺國隋時聞焉在拘利南海灣中其人色黑而齒
白眼正赤男女並不衣服

敦焚

敦焚洲抱朴子云敦焚洲在南海中薰綠水膠所出膠如楓脂所以不可多得者止患猗猗上音吉獸啖下音屈人此獸大者重十斤狀如水獺其頭身及佗處了無毛唯從鼻上以竟脊至尾上有毛廣一寸許青毛長三四分許其無毛處則如韋囊人張捕得之斬刺不傷積薪烈火縛以投火中薪盡而此獸不焦須以大杖打之皮不傷而骨碎都盡乃死耳

火山

火山國隋時聞焉去諸薄東五千里國中山皆有火山雖雨不熄火中有白鼠扶南土俗傳云火洲在馬五洲之東可千餘里春月霖雨雨止則火然洲上林木得雨則皮黑得火則皮白諸左右洲人以春月取其木皮績以爲布或作燈炷布若小穢投之火中使潔又有加管國北諸薄國西山周三百里從四月火生正月火滅火然則草木葉落如中國寒時人以三月至此山取水皮績爲火浣布

無論

無論國隋時聞焉在扶南西二千餘里其國大道左右夾種枇杷樹及諸華果行其下常有玄陰十里一亭亭皆有井食麥飯飲蒲桃酒如膠若飲即以水和之味甚甘美

婆登

婆登國在林邑南海行二月東與訶陵西與迷黎車接北隣大海風俗與訶陵同種稻每月一熟有文字書於貝多葉其死者口實以金又以金釧貫於四支然後加以婆律膏及檀沉龍腦等香積薪以燔之大唐貞觀二十一年遣使朝貢

烏篤

烏篤國在中天竺南一名烏伏那地方五千餘里百姓殷實人性懦弱頗詭詐尤工禁術篤信佛法文字禮儀畧同天竺自古不通中國大唐貞觀中其王達摩因訶斯遣使獻龍腦香

陀洹

陀洹國在墮和羅西北大唐貞觀中遣使獻鸚鵡毛羽皓素頭上有紅色數十莖與翅齊

訶陵

訶陵國去真臘之南大唐貞觀中遣使獻金花等物王之所居豎木爲城造大屋重閣覆以椽椳所座牀悉以象牙爲之亦以象牙爲席食以手掬搯反之又以椰樹花爲酒飲之亦醉有山穴每涌而出鹽國人取之以食其國人則有毒與常人同止宿則令身上生瘡與之交合便即致死若涎液露著草木即枯其人身死不爛不臭

多梭

多梭國大唐貞觀中通焉在南海邊國界周廻可一月行南阻大海西俱遊國北波刺國東真陀國戶口極多置三十州不役屬他國有州郭宮殿樓櫓並用瓦木以十二月爲歲首其物產有金銀銅鐵象牙犀角朝霞朝雲其俗交易用金銀朝霞等衣服百姓二十而稅一五穀蔬菜與中國不殊

多摩長

多摩長國居於海島東與婆鳳西與多隆南與半支跋華言五山也北與訶陵等國接其國界東西可一月行南北可二十五日行其王之先龍子也名骨利

膏利得大鳥卵剖之得一女子容色殊妙卽以爲妻其王尸羅劬傭伊說卽其後也大唐顯慶中遣使貢獻其俗無姓王居以柵爲城以板爲屋坐獅子座東面坐衣物與林邑同勝兵二萬餘人無馬有弓刀甲補婚姻無同姓之別其食器有銅鐵金銀所食尚酥乳酪冰糖石蜜其家畜有殺羊水牛野獸有麀鹿等死亡無喪服之制以火焚其屍其音樂畧同天竺有波那婆宅護遮菴石榴等果多甘蔗從其國經薩盧都思訶盧君那盧林邑等國達於交州


哥羅舍分

哥羅舍分在南海之南其國地接墮和羅國勝兵二

萬人其王滿越伽摩大唐顯慶五年遣使朝貢

杜氏通典卷第一百八十八終





不 許 複 製

NOT TO BE REPRODUCED

東京大学東洋文化研究所